

**Shuhrat MAMATQULOV,**

*Toshkent davlat iqtisodiyot universiteti Ijtimoiy-gumanitar fanlar kafedrasida dotsenti v.b*

*E-mail: shuxrat.mamatqulov@inbox.ru*

*Tel: 93 397 89 89*

*Siyosiy fanlar doktori, dotsenti D. Ernazarov taqrizi asosida*

## PROSPECTS OF INCREASING THE INTELLECTUAL POTENTIAL OF YOUNG PEOPLE IN THE ERA OF GLOBALIZATION

Annotation

This article presents the results of improving the intellectual quality of our youth for our future, and what should be done for this, and which way will be important for us. The implementation of the state policy on youth in our country shows how important the changes will be for the youth in the years to come. Highly intellectual and spiritual youth are the backbone of the country.

**Key words:** Globalization, internet journalists, spirituality, intellect, value, youth policy.

## ПЕРСПЕКТИВЫ ПОВЫШЕНИЯ ИНТЕЛЛЕКТУАЛЬНОГО ПОТЕНЦИАЛА МОЛОДЕЖИ В ЭПОХУ ГЛОБАЛИЗАЦИИ

Аннотация

В этой статье представлены результаты повышения интеллектуального качества нашей молодежи для нашего будущего, а также то, что необходимо для этого сделать и какой путь будет важен для нас. Реализация государственной молодежной политики в нашей стране показывает, насколько важными будут изменения для молодежи в ближайшие годы. Высокоинтеллектуальная и духовная молодежь является основой страны.

**Ключевые слова:** Глобализация, интернет-журналисты, духовность, интеллект, ценности, молодежная политика.

## GLOBALLASHUV DAVRIDA YOSHLAR INTELEKTUAL SALOHİYATINI OSHIRISHNING ISTIQBOLLARI

Annotatsiya

Ushbu maqolada hozirgi kunda yoshlarimizning intellektual alohιyatini oshirishning kelajagimiz uchun natijasi va bu uchun qanday ishlar amalga oshirilishi kerak, qaysi yoʻldan borilsa biz uchun salmoqli boʻlishi haqida fikrlar berilgan. Mamlakatimizda yoshlarga oid davlat siyosatining amalga oshirilishi keying yillarda yoshlarga berilayotgan oʻzgarishlarning qanchalik salmoqli ekanligi, yuksak intellektual, maʼnaviyatli yoshlar mamlakat tayanchi hisoblanadi.

**Kalit soʻzlar:** Globaallashuv, internet jurnalistlari, maʼnaviyat, intellekt, qadriyat, yoshlar siyosati.

**Kirish.** Globaallashuv asosida mamlakat yoxud millatning istiqboli bunyodkorlikka asoslangan gʻoyalar negizida shakllanadigan maʼnaviy madaniyatdan bahramand boʻlmas ekan, bunday manzara jamiyatda yoshlar ongi va qalbidan joy olmaganicha oʻzining ijtimoiy-tarixiy mohiyati va ahamiyati bilan yer qaridagi oltin zahiralarda yotaveradi. Jamiyat sogʻlom turmush tarzi, ideal, nazariya va tamoyillar negizida yoshlarning muayyan maqsadlarini amalga oshirar ekan, jamiyatdagi dialektik aloqadorlikning hayotiyligi va amaliy ahamiyatini belgilaydi. Shuning uchun har bir yosh avlodni ijtimoiy-siyosiy hayotdagi sogʻlom muhit bilan qurollantirish, bunyodkorlik ishlariga jalb qilish lozim.

Mustaqillikka erishganimizdan soʻng barcha sohada boʻlgani kabi maʼnaviyatimizni, milliy qadriyatlarimizni, anʼanaviy, qadimiy urf-odatlarimizni tiklashga katta eʼtibor berilmoqda. Mamlakatimiz yoshlari rivojlangan davlatlar yoshlari kabi zamonaviy bilim olishlariga, dunyo madaniyati va maʼnaviyatining sarchashmalaridan bahramand boʻlishga keng imkoniyatlar yaratilmoqda. Shu bilan birga, bugungi axborot xurujlari avj olgan davrda yoshlar tarbiyasiga salbiy taʼsir etuvchi, ming yillar davomida yuksak qadriyatga aylangan, mehr-oqibat, ibo-hayo, kattaga hurmat kichikka izzat kabi anʼanalarimizdan yoshlarni ogʻdiruvchi ayrim noxush holatlar ham koʻzga tashlanmoqda. “Bugungi kunda dunyoda globaallashuv jarayonlari kuchayib, tinchlik va barqarorlikka qarshi yangi tahdid va xatarlar tobora koʻchayib bormoqda. Bunday murakkab va tahlilali vaziyat uning faoliyatini zamon talablari asosida takomillashtirishni taqozo etmoqda”[1]. Taʼkidlash joizki, bugungi kunda oʻzida matbuot, radio va televidenie xususiyatlari hamda imkoniyatlarini mujassamlashtirgan, axborot yetkazib berish darajasi boʻyicha tezkorlik va koʻlamdorlikda mukammal boʻlgan internet ayniqsa, ommalashib bormoqda.

Shu oʻrinda taʼkidlash kerakki, “Bugungi kunda insoniyat duch kelayotgan koʻplab muammolar – tinchlik va xavfsizlikka tahdidlar, terrorizm va ekstremizm, irqchilik, iqlim oʻzgarishlari, shuningdek, COVID-19 pandemiyasi – oʻzaro kelishilgan global hamkorlikni va mavjud muammolarni hal etish jarayonlariga yoshlarni faol jalb qilishni talab etmoqda. Shu munosabat bilan BMT Bosh Assambleyasining 72-sessiyasida Oʻzbekiston tomonidan ilgari surilgan Yoshlar huquqlari toʻgʻrisidagi konvensiyaning qabul qilinishi jahondagi ikki milliarddan ortiq yigit va qizlarning haq-huquqlarini taʼminlashda muhim ahamiyatga egadir. U yosh avlodni maʼrifiy ruhda tarbiyalash, ijtimoiy qoʻllab-quvvatlash, ularning manfaatlarini himoya qilish, oʻz salohiyatini roʻyobga chiqarishi uchun shart-sharoit yaratishdek ezgu maqsadlarga xizmat qiladi. Ushbu tashabbus xalqaro jamoatchilik tomonidan keng qoʻllab-quvvatlanmoqda”[2].

**Adabiyotlar tahlili va metodlar.** Bugun dunyo turli qarashlar, gʻoyalar, nuqtai nazarlarning tamomila yangicha rivojlanish pallasiga kirib, bu unda yashovchi xalqlarning turmush tarzi, gʻoya va mafkuralariga ham katta taʼsir koʻrsatmoqda. Aslida, turli jamiyat aʼzolari munosabatlarining oʻzaro integratsiyasi sifatida tanilgan globaallashuv jarayoni vaqt oʻtishi bilan uning faoliyat yoʻnalishi “traektoriya”si ham oʻzgarib bormoqda. Atoqli siyosatchi Karl Yaspersning “xar bir davr oʻzicha bir tahdid” degan soʻzlari bugun yana bir bor isbotini topayotgandek goʻyo. Inson oliy mavjudot, ammo bu uni xatolardan xoli ekanligini bildirmaydi. Jamiyatda insonlarning xatti harakatlari va xulq-atvorlarini tartibga solish, ularning oʻzaro aloqalarga asoslangan munosabatlarini shakllantirish insonlarning oʻzlari tomonidan turli institutlar, yaʼni tom maʼnodagi “tartibga solish qurilmalari” tashkil etilgan.

Hozirgi vaqtda global tarmoqda uz domentli veb-saytlar, axborot partallari soni 400 dan oshib ketgani, ularning aksariyati xorijiy tillarda ham faoliyat koʻrsatayotgani, ushbu yoʻnalishda yangi ijodiy avlod – Internet jurnalistlari shakllanib borayotgani eʼtiborga sazovordir”[3]. Ammo har bir yangilik va kashfiyotlarning ijobiy va salbiy tomonlari boʻlganidek, Internetning ham yoshlar tarbiyasiga salbiy taʼsir koʻrsatuvchi nomaqbul tomonlari ham yoʻq emas. Bugungi yoshlarimizning barchasi Internet tarmogʻidan faqat ilm yoʻlida va dunyo axborot yangiliklaridan foydalanishmoqda, desak, biroz yanglishamiz. Ushbu soha bilan

shug‘ullanadigan ko‘plab klublarga kirganda, yoshlar bilan gavjum ekanini ko‘rib xursand bo‘lasan kishi, ammo ular yoniga borib nima bilan shug‘ullanayotganligini zimdan kuzatsangiz, aksariyat qismi oila davrasida ko‘rolmayotgan parnografik va vahshiyona filmlarni ko‘rish, turli mintaqalardagi qizlar va bolalar bilan sevgi nomalarini almashish, suratlarini kiritib reklama qilish bilan bandligiga guvoh bo‘lasiz. Bu kabi noxush holatlardan so‘ng yoshlar kelajakda qahri qattiq, mehrsiz, hayosiz bo‘lib yetishmaydi, deb hech kim kafolat bera olmaydi. Shu munosabat bilan Prezidentimizning tabrigida ta‘kidlanganidek, “Mamlakatimiz ommaviy axborot vositalari xalqimiz hayotiga, uning quvonch va tashvishlariga tobora yaqin bo‘lib, O‘zbekistonning yangi, demokratik qiyofasini shakllantirishda g‘oyat muhim rol o‘ynamoqda. Mustaqillik yillarida mamlakatimiz ommaviy axborot vositalarining soni qariyb 4 baravar ko‘payib, 1500 taga yetgani ushbu tarmoqda o‘shish, o‘zgarish jarayonlari izchil davom etayotganidan dalolat beradi... Ommaviy axborot vositalari so‘zda emas, amalda “to‘rtinchi hokimiyat” darajasiga ko‘tarilishi zarur. Bu -zamon talabi, islohotlarimiz talabi”[4].

Umuman olganda, ertangi kunimiz taqdiri hal bo‘layotgan hozirgi davrda loqaydlik va beparvolikdan butunlay xalos bo‘lib, jasorat va shijoatni qalbga jo etib, shu Vatan, shu el uchun, yuksak ma‘naviyatli kelajak avlod uchun yonib yashashni, fidoyilik bilan ishlashni hozirgi davr qat‘iy talab qilmoqda. Shu o‘rinda, Abdulla Avloniyning quyidagi hikmatli so‘zlarini keltirib o‘tishni joiz deb bildik: “Bolalarni pisand qilmagan millatlar inqirozi ularni yot qo‘llarga va yot madaniyatlar ixtiyoriga berib qo‘yganlari sababliki, ulardan ayrilishga mahkumdirlar”[5].

Yoshlar ma‘naviyatini yuksaltirish mamlakatimizni demokratlashtirish, modernizatsiya va islohotlarni amalga oshirishda ijtimoiy totuvlik, hamjihatlik, hamkorlikning mustahkam hamda barqaror bo‘lishini ta‘minlashda, shuningdek, milliy qadriyatlarimiz va madaniy merosimiz targ‘iboti va tashviqotida muhim o‘rin tutadi. Shu nuqtai nazardan yondashganda, huquqiy-demokratik davlat, fuqarolik jamiyati poydevori mustahkamlanayotgan bugungi sharoitda yoshlarda ma‘naviy yuksalishni ta‘minlashdagi ustuvor vazifalardan biri yoshlarni milliy g‘oya atrofida birlashtiruvchi, ma‘naviy tarbiyasida milliy qadriyatlarga tayanish muhim ahamiyatga ega.

Shu boisdan ham “O‘zbekiston Respublikasida yoshlarga oid davlat siyosatini tubdan isloh qilish va yangi bosqichga olib chiqish chora-tadbirlari to‘g‘risida” Prezident Farmoni qabul qilindi. Farmonga muvofiq, O‘zbekiston Respublikasi Yoshlar ishlari agentligi (Agentlik) hamda uning Qoraqalpog‘iston Respublikasi, viloyatlar, Toshkent shahar boshqarmalari va tuman (shahar) bo‘limlari tashkil etildi. Agentlikning asosiy vazifa va faoliyat yo‘nalishlari belgilandi. Agentlik, jumladan, yoshlar bilan bog‘liq soha va yo‘nalishlarda yagona davlat siyosati, strategik yo‘nalishlar va davlat dasturlarini ishlab chiqadi hamda amalga oshiradi. Shuningdek, Agentlik yoshlar siyosati sohasidagi qonun hujjatlariga rioya etilishi ustidan davlat nazoratini amalga oshiradi.

Farmon bilan O‘zbekistonda yoshlarga oid davlat siyosatini yanada rivojlantirishga doir qo‘shimcha chora-tadbirlar dasturi tasdiqlandi. Dasturda, jumladan, O‘zbekiston yoshlari portalini tashkil etish va unda yoshlar siyosatini baholash milliy indekslari hamda yoshlarga oid qonun hujjatlari bazasini shakllantirish belgilangan. Dasturda nazarda tutilgan tadbirlar Agentlik tomonidan to‘g‘ridan-to‘g‘ri yoki nodavlat notijorat tashkilotlariga ijtimoiy buyurtma shaklida ajratiladigan davlat grantlari va subsidiyalar taqsimlash orqali moliyalashtiriladi”.

Milliy qadriyatlarni turmush tarzimizga singdirishda davlatchilik an‘analimizni tiklash xalqimizning istiqbol to‘g‘risidagi asiy orzularini ro‘yobga chiqarishda yordam beradi bu borada xalqni-xalq, millatni-millat sifatida birlashtiradi. O‘z qadriyatlari va qadriini bilgan xalq olomonga aylanmaydi, buyuk ishlarga qodir ekanini his qiladi, mustaqillikni omon saqlaydi, farzandlarining kamoloti uchun qayg‘uradi. Aynan shuning uchun ham milliy qadriyatlar jamiyatning yangilanishiga xizmat qiluvchi ma‘naviy omil hisoblanadi.

Jamiyatimizni milliy qadriyatlar asosida, jumladan, yoshlarning ijtimoiy-siyosiy faolligini yanada kuchaytirishda oliy o‘quv yurtlari oldiga juda katta va mas‘uliyatli vazifalar qo‘yilmoqda. “Hozirgi vaqtda yurtimizda “Buyuk kelajagimizni mard va olijanob xalqimiz bilan birga quramiz” degan shior keng tarqalib, hayotimizga tobora chuqur kirib bormoqda”. Mamlakatimizda demokratiyani rivojlantirish, sog‘lom turmush tarzini mustahkamlash, yangi insonni kamol topshirishning muhim muammolari hal qilinayotgan hozirgi bosqichda yoshlarning roli tobora ortib bormoqda. Shuni unutmasligimiz kerakki, kelajagimiz poydevori bilim dargohlarida yaratiladi, boshqacha aytganda, xalqimizning ertangi kuni qanday bo‘lishi yoshlarimizning bugun qanday ta‘lim va tarbiya olishiga bog‘liq. “Biz ta‘lim va tarbiya tizimining barcha bo‘g‘inlari faoliyatini bugungi zamon talablari asosida takomillashtirishni o‘zimizning birinchi darajali vazifamiz deb bilamiz”[6].

**Muhokama va natijalar.** Bugun yoshlar ijtimoiy faolligini oshirish va milliy ruhda tarbiyalashda quyidagi falsafiy omillarga e‘tibor qaratish joizdir:

1. Fuqarolik jamiyati g‘oyalarini ijtimoiy faollik bilan uzviyligini ta‘minlagan holda yoshlar dunyoqarashini ijtimoiy hayotga yo‘naltirish, ularda ertangi kunga ishonch hissini milliy g‘urur, milliy iftixor, Vatanga muhabbat, yurtga sadoqat, elga hurmat tuyg‘ulari bilan bog‘lash;

2. Barcha davlat tomonidan yaratilayotgan imkoniyatlardan yoshlarning unumli foydalanish ko‘nikmalarini shakllantirib, ijtimoiy faolligini egzulik va nafosat tuyg‘usi asosida qaror toptirish;

3. Yoshlarda barcha yer yuzidagi insonlarni millati, irqi, dini, tili, jinsi, ijtimoiy kelib chiqishi, egallagan mavqeidan qat‘iy nazar hurmat qilish, bahamjihat ijtimoiy faoliyat olib borishga qaratilgan dunyoqarashini shakllantirish;

4. Har bir ota-ona endigina dunyoga kelgan go‘dakning qalbidagi sof hissiyotni ijtimoiy tafakkur va madaniyat ideallari bilan boyitib, unda musaffo tabiat havosidan boshlab, farovon turmush va go‘zal hayot barpo etish hissiyotini milliy ruhda tarbiyalashi lozim [7].

Mamlakatimizda amalga oshirilayotgan keng ko‘lamli demokratlashuv jarayoni insonlar, turli ijtimoiy qatlamlar, siyosiy institutlar, davlat va nodavlat tashkilotlarning faoliyat va o‘zaro munosabati bilan bog‘liq. Qolaversa, aholining asosiy qatlamini tashkil etadigan yoshlar bu jarayonda muhim ahamiyat kasb etmoqda. Ayni paytda, yoshlarga e‘tibor, ularga ko‘rsatilayotgan g‘amxo‘rlik har qachongidan ham ulug‘vorlik kasb etmoqda. Chunki, bugun bag‘rimizda voyaga yetayotgan o‘g‘il-qizlarimiz ertangi kunimiz vorislaridir. Bugun agar yoshlar to‘g‘risida, statistik ma‘lumotlarga nazar tashlaydigan bo‘lsak, respublika bo‘yicha 7 yoshgacha bo‘lganlar 4 milliondan ortiq, 7-13 yoshlar 4,6 millionga yaqin, 14-28 yoshdagilar qariyb 8 millionni tashkil etadi. Mamlakatimiz umumiy aholisining qariyb 17 millionini yoshlar tashkil etadi. O‘zbekiston aholisining 60 foizdan ziyodini 30 yoshgacha bo‘lgan yoshlar tashkil etishini ta‘kidlash lozim”. Shu bois mamlakatimiz taraqqiyotini ta‘minlashda yoshlarning har jihatdan faol bo‘lishlari uchun ularni ma‘naviy sog‘lom va barkamol etib tarbiyalash dolzarb vazifalardan bo‘lib qolaveradi.

Bugungi globallashtirish zamonida komillik borasidagi qarashlar birmuncha moddiylashdi. Endilikda real dunyo haqidagi bilim faollik, vatanparvarlik asosiy mezoniga aylandi. Albatta, ezgu xulq va ezgu maqsad bilan bajarilgan ishlar, beminnat

hojatbarorlik, saxovatpeshalik hozir ham zarur zero, bular yuksak ma'naviyatli insonning muhim fazilatidir. Ana shunday insonlarni tarbiyalash umumdavlat ishi deb qaralmoqda. Zotan, komil inson qancha ko'p bo'lsa, mamlakat shuncha qudratli va obod bo'ladi. Jamiyatda elni ulug' buniyodkorlik ishlariga safarbar etuvchi insonlarning ijodkorligi, ibratli ishlari, fidoyiligi taraqqiyot imkoniyatlarini kengaytiradi, natijada ham iqtisodiy, ham ma'naviy yuksalish yuz beradi.

Buning uchun esa yoshlarga mustaqillik yillarida erishilgan yutuqlarni hayotiy faktlar orqali sodda va lo'nda qilib tushuntirish, istibdod asoratlarini tarixiy dalillar asosida fosh etish g'oya va mafkuramizni yoshlar ongiga singdirishda muhim ahamiyat kasb etadi. Bu g'oyaning asosiy tushuncha va tamoyillarini xalqimiz, ayniqsa, yoshlar o'rtasida keng targ'ib etish, birinchi navbatda, rahbar kadrlar, ziyolilar, ommaviy axborot vositalari xodimlarining muhim vazifasi, fuqarolik burchidir. Milliy g'oya va mafkuramizga sadoqat, kasbiy mahorat, keng ommani ishontirish va safarbar etish qobiliyati - kadrlar tanlash va joy-joyiga qo'yishda asosiy mezon bo'lmog'i lozim. Milliy mafkura masalalariga loqaydlik ayrim rahbar kadrlar o'rtasida umummilliy manfaatlarimizga butunlay yot g'oyalarning, korrupsiya, qarindosh-urug'chilik singari illatlarning kuchayishiga olib kelishi mumkin.

Milliy mafkura g'oyasi xususidagi bilimlarni barcha turdagi ta'lim muassasalari tarbiyalanuvchilariga singdirishga ijtimoiy ehtiyoj sifatida qaralayotgan bugungi kunda oliy o'quv yurtlarida ta'lim olayotgan talaba yoshlarni, mafkuraviy va g'oyaviy jihatdan qurollantirish muhim pedagogik jarayon sanaladi. Bunda nafaqat ijtimoiy-siyosiy, maxsus fanlar, balki ijtimoiy-gumanitar pedagogika turkumidagi fanlarning ham imkoniyatlari katta. Mazkur fanlararo bog'liqlik va talabalarni ma'naviy shakllantirishga qaratilgan ta'lim - tarbiya o'rtasidagi uzviy aloqaning o'rnatilishiga erishish hamda ma'naviy-mafkuraviy tarbiya samaradorligini ta'minlashga yaqindan yordam beradi. Axloqiy tarbiya turi asosida yoshlarni asrlar davomida yaratilgan ma'naviy qadriyatlarimizni o'rgatish yotadi. Ma'naviy qadriyatlardan vatanparvarlik oliy qadriyat sifatida qaraladi. Milliy mafkuraning bosh g'oyasi xam ozod va obod Vatan, erkin va farovon hayot barpo etishdir. Biz bo'lg'usi kadrlarni tarbiyalar ekanmiz, ular axloqan yetuk bo'lishlarida bu hislatlarni o'zlarida mujassamlashtirishlari, bu qadriyatlarni kelgusi faoliyatlarida dasturilamal qilib olishlari lozim bo'ladi.

Yoshlar jamiyatning kelajagi, Vatan taraqqiyoti uchun mehnat qiluvchi juda katta qatlam. Ularning faol mehnati, ishbilarmonligi va tadbirkorligi tufayli jamiyatimiz yanada taraqqiy etmoqda. Prezidentimiz boshchiligidagi yoshlar ko'plab dolzarb masalalarni ko'tarib chiqmoqdalar, bularni hal etishda jamiyat yangilik va evralishlarga yuz tutmoqda. "Haqiqatan ham, bugungi kunda yangi O'zbekiston yoshlari - mamlakatni modernizatsiya qilishga qaratilgan jadal va keng ko'lamli islohotlarning harakatlantiruvchi kuchi va faol ishtirokchisi bo'lib maydonga chiqmoqda. Bugun mamlakatimiz yoshlar huquq va manfaatlarini ifoda etuvchi davlat siyosatini amalga oshirishda mintaqada lokomotivlik vazifasini bajarmoqda. Yoshlar o'z bilim va salohiyatini namoyon etishlari uchun barcha jabhada keng ko'lamli sharoitlarni yaratish davlat siyosatining ustuvor yo'nalishi etib belgilangan".

Ta'kidlaganimizdek O'zbekiston aholisining asosiy qismini yoshlar tashkil etadi. Ularning manfaatlari, ehtiyojlari aynan jamiyat manfaatlari bilan uyg'unlashgan va dolzarb masalalarni o'zida qamrab olgan. Yoshlar jamiyatning kelajagi. Ular ma'naviy bilimlarining kengligi jamiyat hayotini ko'rsatib beruvchi asosiy mezonlardan biri hisoblanadi. Chunki aholi tizimining katta qismini tashkil etuvchi yoshlar o'zi bilan jamiyatga xos bo'lgan qadriyatlar va o'ziga xos bo'lgan yangiliklarni ham olib kirmoqda.

Yoshlar masalasi o'tgan asrning 20-yillaridayoq ko'pgina davlatlarning asosiy masalalaridan biri bu K. Mangeymning "Avlod muammosi" asaridan boshlab bu muammo kun tartibidagi masalalari qatoridan o'rin olgan.

Xulosa va takliflar. Demak, global masalalardan biri bo'lgan yoshlar masalasini o'rganishda asosiy tamoyillar quyidagilarda o'z aksini topgan:

Yoshlar muammosini o'rganishga tarixiy yondashish lozimligi. Yoshlarning ijtimoiy qarashlari, xulqi, qiziqishi, dunyoqarashi va boshqa jihatlarini o'rganishda muayyan davr, shart-sharoitlarning o'ziga xosligidan kelib chiqib baho berish talab qilinadi.

Yoshlarning o'ziga xos turmush tarzini tahlil qilish va o'rganish. Bunda yoshlarning ijtimoiy holati, hayot kechirish tarzi va uning rivojlanishini nazariy va empirik jihatdan o'rganish.

Yoshlarning har tamonlama rivojlanib borishini o'rganish va taxlil qilish. Mavjud ijtimoiy-iqtisodiy shart-sharoitlar, muhitning o'zgarishi natijasida avlodlar o'rtasidagi doimiy bog'liqlikni o'rganish.

Yoshlar jamiyatning eng katta va harakatchan qismi xisoblanadi. Shuning uchun ham ularni har doim o'rganib borish zamonning dolzarb masalalari qatoriga kiradi.

**Xulosa.** Hozirgi sharoitda yoshlarni ma'naviy tarbiyalash, milliy mafkura g'oyalari xususida bilimlar berish orqali ularda turli xil ko'rinishdagi g'oyaviy taxdidlarga qarshi mafkuraviy immunitetni shakllantirish muhim pedagogik muammolardan biridir. Bu esa insonni erkin ijodkor sifatida rivojlantirishni talab etadi shaxs ma'naviyatining asosiy omili hisoblangan tarbiya jarayoniga alohida mas'uliyat yuklaydi. Chunki tarbiya jarayoni jamiyatning ijtimoiy buyurtmasini bajaribgina qolmay, balki jamiyatning ertangi kunini rivojlantiruvchi, moslashuvchan kadr qilib tarbiyalash bilan birga yosh avlodni milliy mafkura g'oyalari asosida axloqiy yetuk inson qilib tarbiyalashni o'z oldiga maqsad qilib qo'yadi. Ushbu maqsadni amalga oshirishda davlat va jamiyat qurilishini takomillashtirishning bir-biriga mos tushishi va u yoshlar manfaatlari bilan uyg'unlashishi asosiy vazifa hisoblanadi.

#### ADABIYOTLAR

1. Ўзбекистон Республикаси Президентининг 2017 йил 28 июлдаги "Маънавий-маърифий ишлар самарадорлигини ошириш ва соҳани ривожлантиришни янги босқичга кўтариш тўғрисида"ги Қарори // "Халқ сўзи", 2017 йил 29 июль.
2. Мирзиёев Ш.М. "Ёшлар 2020: глобал миқёсдаги бирдамлик, барқарор тараққиёт ва инсон ҳуқуқлари" мавзусида ўтказилаётган инсон ҳуқуқлари бўйича Самарқанд форуми иштирокчиларига нутқи. Ўзбекистон Миллий ахборот агентлиги. 12.08.2020 й.
3. Мирзиёев Ш.М. Миллий тараққиёт йўлимизни қатъият билан давом эттириб, янги босқичга кўтарамиз 1-жилд Т.: Ўзбекистон, 2017 498- бет.
4. Ўзбекистон Республикаси Президенти Шавкат Мирзиёевнинг Матбуот ва оммавий ахборот воситалари ходимларига табриги // "Халқ сўзи", 2017. 9-сентябрь.
5. Абдулла Авлоний. Туркий гулистон ёхуд ахлоқ.-Т.: Ўқитувчи, 1992. 5-6 бетлар.

6. Мирзиёев Ш.М. Миллий тараққиёт йўлимизни қатъият билан давом эттириб, янги босқичга кўтарамиз 1-жилд Т.: Ўзбекистон, 2017. -537-бет.
7. Гайбуллаев О., Ҳакимова Д. Фуқаролик жамиятида ёшлар ижтимоий фаоллигини оширишнинг фалсафий омиллари. “Фуқаролик жамиятини ривожлантириш жараёнида ёшлар ижтимоий фаоллигини ошириш омиллари”. Республика илмий-амалий анжумани материаллари. – Самарқанд: СамДЧТИ, 2018. –288 бет. Б 270.
8. <http://parliament.gov.uz/uz/events/opinion/31727/>
9. Маматқулов Ш (2018). Some issues increasing of social activity of youth of uzbekistan. European science review, 1(11-12), 128-129.